



ЧАННАЦІУЖУ

«ЗВЕЗДА»

9 сентябрь 2016 ш
нюжмар

№ 36 (6517)

Багъа 2 къуруш

Газета буклаккиссар
1951-ку шинал
ноябрьдания шинмай

Учредитель: Ккуллал районнул администрация
Кулинская районная администрация



Лайкъминнахлу ч1урду булунну

Бувккусса гъантри ливч1ун бур бувч1авурттай ч1урду булласса. Гъашину сентябрьданул 18-ний жува бувч1ай буру Дагъусттан Республикалул Халкъуннал Собраниялувунсса ва Аьрасатнал Федерациялул Паччах1лугърал Думалувунсса депутатътал.

К1улсса куцуй, бувч1авуртту хъанай дур политический партиярдахлу буллалисса ч1урду х1исавравун лавсусса сиях1ирдайн бувну ва ца мандат дусса округирттайхчин царду риршусса кандидатътурава ххув хъумий бувч1аврийну. Дагъусттан республикалул Халкъуннал Собраниялувун ца мандатрайхчинсса бувч1авуртту дакъассар. Цинявпагу бувчин т1ий бур Дагъусттан Республикалул Халкъуннал Собраниялувун-90 депутат, Аьрасатнал Федерациялул Паччах1лугърал Думалувун-450 депутат. Миннава 225 увч1инт1иссар партиярдал сиях1ирдайн бувну, 225 депутат т1урча ца мандат дусса округардайхчин. РД-лул Халкъуннал Собраниялувунсса бувч1авуртту к1иц1 лавгсса куцуй, анжагъ партиярдал сиях1райн бувну бувч1инт1иссар. Уттисса бувч1авурттаву гьурттушинна дуван ихтияр дусса хъанай дур 14 политический партия. Ми партиярдава цумур партиялул чулухасса кандидатътал гьарзану бувч1урич, билаятрал оьрмулувусса политикагу му партиялул лавсун нанисса ххуллхсса диклант1иссар. Мунихтуну гьарцагу ч1урду булун нанима хъирив лавну к1улну ик1ан аьркини партиярдал программардащал, миннул цила сиях1раву царду риршусса кандидатътуращал. Миннушал к1ул хъунсса шарт1ругу диялсса дур. Цукун учирча, бувч1авурттал хъхъич1сса агитациялуву миннал программардугу, царду риршусса кандидатъталгу ялун личлай бур ва миннал ихтилатирттава ч1алай бур ци пикрилул партиярду, депутатшиврийнсса кандидатътал буссарив.

Уттинин жула районнайсса избирательтуращал хъуна бакъин бувк1усса чанну бакъа къавхъунни. Мигу «Единая Россия» политический партиялул чулухасса вакилтал ва му партиялийхчин царду риршусса кандидатътал. Т1айлассар, бувч1авурттал кьини гъан хъанан дирк1укун ми цалнир цал гьарза хъанан бик1ай, миннава бувч1ингу зах1мат хъанан бик1ай. Жула буссар учала: «Хъхъич1 ливчумур чу ххув шайссар» т1исса.

Мукунгу хъунссар агъалийнащалгу хъуна бакълай, бувчин баврил давуку хъхъич1унну дуллалисса партия.

Жула районнай сиях1райсса хъанай ур арул азарахъул избиратель, амма минная районнайива ялапар хъанай ливч1сса ур мукъазарунная ливчусса избиратель. Мунихтуну аьркинну бур жува т1има, лайкъма увч1уну лякъиншиврул ч1урду булавриву бюхъайсса хъхъич1унсса гьурттушинна дуван гьарцагу сиях1райн лавсусса избирательнал.

Цалчин цалчинмур классравун ва гайминнунун



Байран. Му байран цурдагу дарх1уну дур к1улшиву ласаврищал ва дулаврищал. Ялагу му байраннайин учай «К1улшиврул кьини» куну. Буняялагу сентябрь зурул 1-мур кьини хъанай дур ч1ивиманахъхъун, хъунаманахъхъун хъуннав т1абиаьтрал, инсантурал оьрмулул караматшивуртту т1ит1ай к1улли дулайсса кьини.

Ва кьини вин хъуна бакълай буссар ххуй ххуйсса лаххиярттавусса цалчин школайин нанисса оьрч1ащал, школа къуртал бувну махъ гания гихун наймур к1улшиву ласун нанисса жагъилтал.

Жула районнул школардайн лавгсса оьрч1ал сиях1 дур 900. Цалчин цалчинмур классравун лавгунни вайннавату 86 оьрч1. Дур ва сиях1раву ца пашмансса лишангу. Вай дук1усса сентябрьда нийнийр чансса бур. Къян

нал шяравусса школайин нив цалчинмур классравун цавагу оьрч1 къалав гун ур. Мий шяраву бакъа т1ий.

Махъсса шинал му ттайий жула районнайисса дуклаки оьрч1ал ккаккан дурсса к1улшиврул хъинну хъхъуч1ун май ша лавсунни. Масалларан дук1усса 2015-ку шиналсса дуккаврил шинал 14 оьрч1ал къалавсун бивк1 хъурча атесттатру ЕГЭ дуллалиний лагъсса

къиматру ласаврин бувну, гъашину мукунсса дуклаки оьч1 ур 4. Ца 9 класс къуртал буллай ивк1ссагу. Вайгу ч1ал къавхъуну Мах1ачкъалаив гъан т1ий бур ц1унилгу ЕГЭ дуллан. Ялагу дук1у районнайисса школартту 6 оьрч1ал медаллайну къуртал бувну бивк1хъурча, гъашину 14 оьрч1ал къуртал бунни. Дук1усса шинал Дагъусттаннал К1улшиву дулаврил ва элмулул министерствалул жямрайн бувну Ккуллал районнул УО бивк1хъурча 52-мур к1анттай, гъашину бур 32-мур к1анттай. Зунттал районнал дяниврив 6-мур к1анттай. Ва иширал тасттикъ буллай бур цила ч1умал И.В. Сталиннул увкуну бивк1сса махъру: «Кадрь решает все», - т1исса. Ванину тун учин ччай бур дук1у март зуруй Ккуллал районнул УО-хъунмурну Х1аммак1уева Альбина бивтния шиннай аьлтта ч1алай оьрч1ал к1улшиву ккаккан давриву, учительтурал дарс дишавриву хъуннав хъит учавуртту хъунни. Барча оьрч1руй зул байран!

Суратрай: Ваччийал школайий к1улшиврул кьини (ялув), Вихъуллал школайий цалчинмур классравун нанисса оьрч1ру цала цалчинсса учительница Х1асанова Патиматлушал

Х1. Х1усайнов



Цалчинсса гюнгут1и Ккуллал 2-мур СОШ-рай

Чюлуну, тяхьану, ххарину тлутлашал ранг-рангсса жура-журасса бав тлуна школалул дуклакки оьрч1ру нитти-бутташал цалчинмур сентябрьданий школалуч1ан.

Тяхьасса оьрч1ал ч1урду бия лагмава баллай учительттал барча буллай сса. Районналия, шагьурдая бувк1ссагу бия.

Митинг хас дурсса «К1улшиврул к1ини» т1исса т1ирт1уна тарбиячи Ризванов Кьубанчил ва дайдирихьуна Гимн Аьрасатнал» гьармий вич1илий бия.

Дуруна минута молчания 2004-ку шиналсса террактраву ливт1усса дуклакки оьрч1ру ва бугьарамий дак1нин бивчуну.

Хьиривгу бувсуна школалул директор Мурачуев Аьбдуллул террористурая, ялагу бувсуна школалул

дуклакки оьрч1ал цукунсса кланттурду бувгьуссарив дуккавриву, спортраву, барча бувуна «Грамота» «По хвальный лист» дуллуну дуккавриву хьхьич1ун ливчумий.

Районналул вакил Исакьов Х1асаннул барча бувна учительтал ва дуклакки оьрч1ру ва ц1уну жула ялун нанисса дуккаврил щинашал! Ч1агу увкуна ц1улушиву т1айлабац1у, хьхьич1унсса кланттурду дуккавриву, спортраву, дав риву.

«Цалчинсса гюнгут1и» бившуна, гьармий тяхьану хьатру рищлай кьуртал хьу на.

Бувххуна классирттавун «Дакьаврил дарсерайн» . Укун лавгуна «Цалчинсса гюнгут1и» Ккуллал 2-мур СОШ-рай.

С.Кьаллаева

КЪЯНИВ

Бувк1унни ссутнил барз сентябрь, бавчунни оьрч1ру школардайн жула Аьрасат наву, мукунна жуч1арагу дайдирихьунни к1улшиврул байран. Пахьдагьсса т1а биаьтралгу вич1идирхьунни оьрч1ал балайрдах назмур дах, учительтурал ва нитти-буттал ихтилатирттах.

Кьяннал школалий сентябрьданул 1-нний тяхьа сса ч1урдал гьава бувц1уну бия, учительтал байранна лущал барча буллай бия оьрч1ал нину-бутта, оьрч1ру бия т1урк1у т1ий, лихьа-хьирив бивхьуну.

Дайдирихьуна байран Кьурбанхьал Анисатлул цинявгу барча бувну байрандалушал махь буллауна байрандалул мажлис бачин буллалисса 9-мур классрал душ Маммахьал Марина Х1асаннул душнихьхьун. Ванил ссутнил ч1умуц1унгу дарх1уну дайдирихьуна байран бувккуну оьрч1ал назмурду увкуна балайрду дуккавриха, школалуха, учительтураха.

Ларгмур шинал жямру дуллалисса ихтилат шикку бувна школалул директор Имранхьал Шагьмардан Камиллул арнал, бавт1мий байрандалушал барча бувуна шяраваллил админист рациялул бак1чи Малик Х1ажимах1амадовлул, районналул администра циялул вакил шяраваллил библиотекарь Саэдхьал Аьишат Исмаиллул душнил, нитти-буттахьал чулуха

учительтал ва дуклакки оьрч1ру барча бувна ц1усса дуккаврил щинашал Агьахьал Сурижатлул, ихтилат бувна школалул у ч и т е л ь н и ц а л Аьвдурах1манхьал Ссапижат Муртазаьлил душнил байран ларгуна лайкьсса даражаллий.

Муния махь дирхьуна учительтурал виричув шиврул дарсеру цигу хас дурсса Бесланная иширттан. Укун ххуйсса к1улшиврул байран хьунни Кьяннал школалий. Ва байрандалул буллусса гуж биял хьуннав щалла дуккаврил шинаву, шавкьирай двуклан, ххув хьанан ххари хьанан бюхьлай битаннав.

Р.Мах1аммадов.

Терроризмаллия буруччин аьркиншиврия

Терроризм т1исса калим ва я оьруснал ягу лакрал миллатирттал махь бакьар. Ванил мяьна дусса дур, инсантуравун х1уч1 бутаву, цахханнарал баву т1ут1исса. Ва иш цуппагу жула оьрмулувун махьсса шиннардий бувк1хьурчагу, чьянива лавг заманнайвагу бивк1ун бур . Аьлимтурал, философтурал бусласаврин бувну, террорданул ишру гьич цукунч1ав инсаннал аькьлу-к1улшилуца лялиян бан бюхьайсса, лаласун шайсса ишру бакьашиврия буслай

Мяйва зурул мутталий

2016-ку шинал 8-зурул мутталий Ккуллал район налийсса даву дакьа минналсса байсса центр данийн, даврих луглай ягу цамур консультация баврил хьирив увккун ур 350 инсан. Вайннавату центрданул сиях1райн лахьан увну ур 266 инсан, миннавагу 75 балугьравун бувххусса 14-18 шинайн бяннинсса оьрч1ру. 194 инсан даву дакьашиврий сиях1райну лавсун, вайннан даву дакьашиврул пособие биахьун бур.

2016-ку шинал 8 зурул ч1умуву центрзанягьстрал мадарасса давуртту дурну дурр даву дакьулт ва даврих луглагими давурттал щаллу баншиврул: -52 даву дакьасса инсан даврил щаллу увну ур.

- Общественный давурттаву гьурттушинна дурну дурр 71 инсаннал.

-Даву лякьин зах1мат хьанахьисса 9 инсаннан щаллу дурну дур ч1умуйнусса давуртту.

- 14-16 шинайн бияннинсса балугьравун бувххусса 75 оьрч1ан щаллу дурну дур гьинттул

каникуллал ч1умалсса давуртту. Мукунма, ч1ун дияннина пенсиярттай гьан увну ур 3 инсан Начальный ва средний профессиональный о б р а з о в а н и я л у л учреждениярттал 18-20 шин хьусса 2-выпускник ч1умуйнусса давурттал щаллу бувссар.

Ялув к1иц1 лавгсса давуртту дакьагу центрзанягьстрал центрданийн бувк1сса инсантурашал дувайссар личи-личисса консультациярттал давурттугу. Масала, 8-зурул мутталий, центрзанягьстрал дурну дур 217 инсаннашал проф ореентациялул давуртту, миннавату 104-дуклаки оьрч1ал, психологический поддержка дурну дур 20-ва даву дакьа центрданул сиях1райсса инсаннашал, мукуннан 13 инсаннан социальный адаптациялул кумаг бувну бур.

Вай давуртту да кьагу центрзанягьстрал тамансса давуртту ва кьулагьас дайссар инсантурал зах1мат буру ччаврил чулухунмайгу.



2016-ку шинал 8 зурул мутталий районналул организациярттал ва учреждениярттал зузисса кланттурдай инсаннал оьмулун, ц1улу-сагьшиврун нигьач1аву кьадиклансса куцуй цукунсса давуртту дуллай бурив ххалбигьавуртту дунни 36 организациялий. Ххалбигьавуртту дурсса организациярттай зий ия 450 инсан, миннавагу вредный условияртту дусса клан ттурдай -12 инсан. Прверкар ттай бувну 36 заключение ва 36 предписание дурссар. Предписаниярттай ч1алач1и дайссар ххалбигьаву дурсса о р г а н и з а ц и я р т т а й с с а диялдакьашивуртту. Ми предписанияртту дулайссар организациялул каялувчи нахьхьун, ч1унгу ккаккан дурну, диялдакьашивуртту дукьан дан.

П. Аьлибекова,
вед. инспектор ГКУ РД ЦЗН в МО «Кулинский район»

Проводникталну зун ччиманан

Дагъусттан Республикалул Правитель ствалул ва Северо-Кавказская «Федеральная пассажирская компания» т1исса Акционерный обществалул дурсса соглашениялийн бувну Дагъусттан Республикалул транспортрал, энергетикалул ва связьрал министер ствалул баян буллай бур Дагъусттаннай ялапар хьанахьисса 20-35 шинал оьрмулувусса, зун ччисса

инсантурал набор 3-мур разрядрал проводникну зунсса. Миннан зуруйсса харжи бик1ант1ий бур 15-18 азарда кьуруш. Чарабакьасса т1алавшин нану хьанай дур Мах1а чкьалаллал железно дорожный больницалия ларсусса медицинское свидетельство зун буч1ишиву ккаккан дуллалисса, свидетел ьство проводникнал пишалий зун буч1ишиврул.

Мукунма ххйуну к1улну бик1ан багьлай бур оьрус маз, ккаккан ххуйшиву, хасиятрал ххуйшиву ва высший ягу средний профессиональный образование душиврул документ.

Проводник шаврил пиша лахьхьин багьлай бур 3-зуруй, миннувагу 2 –барз теория лахьлахьисса, 1 барзгу практика лахьлахьисса. Дуккин баврил багьа хьанай бур 12 азарда кьуруш.

Проводниктал хьун ччисса инсантал бухьурча собеседование ва набор дур сентябрьданул 9-нний транспортрал, энергетикалул ва связьрал министерствалуву.

Адрес: Ш. Мах1ачкьала, ул.И.Казака, д-41 кабинет 207,15 -нния 17 ссят хьуннин.

Телефон: **8(8722)94-00-05.**

Щацала арх1ал бик1ан аьркинссар паспорт, образованиялул документ, медицинский полис, СНИЛС.

М. Сулейманов,
вед. Инспектор ГКУ РД ЦЗН в МО «Кулинский район»

(Ахир 2-мур лаж)

Цал арх1ал булайсса компенсация булаврия

Цал арх1алсса компенсациялул выплата лун 5000 кьуруш дулайссар Аьрасатнал Федерациялул граждантуран, цивгу муданма ялапар хьанахьисса федерациялул аьрцарай ва хьанахьисса страховой пенсия ва паччах1лугьрал щаллу буллалисса пенсия ласласисса, социальный какумаг х1саврай. Ми выплатарду дулаврия укунсса ихтилат хьунни жул корреспондентнал районналул пенсионный фондрал отделениялул хьунма Бадави Загьидиевлуцал.

-Бадави Абдулович, циванни выплата 2017-ку шинал январьданий дул лант1исса, мунияр хьхьич1 кьадуллун.

-Ц1анасса ч1умал хьин ну зах1матсса тагьар дур экономикалуву бюджетрал каширду сеуссукуссса дусса.

Пикри бур 2016-ку шиналсса федеральный бюджет щаллу хьувкун ми выплатарду дувансса сур сатру лякьинсса. Му мурад рай, АьФ-лул Х1укуматрал бусса чаранну лякьинт1иссар. Х1сав дурсса ч1умал аьркин хьанай бур 200 млрд кьуру ширтгал.

-Циванни выплата цал дакьа кьадуллалисса?

-Гьарца шинал пенсия индексировать буваву 2016-ку шинал даххана дурссар билятрайсса экономикалул тагьар х1савравун лавсун.

Хьхьич1ва, 2016-ку шиналнин пенсия гьаз бувайссия (индексировать бувайссия) дахху-ласулувумур ххира хьанахьаврих бурувгун хаснува страховая пенсия, ягу пенсионернан оьрму бутан яла чанну аьркинмур х1сав дурну (паччах1лугьрал щаллушин дуллалисса пенсия.

2016-ку шинал кьазу зисса пенсионертурал пенсия лахь бувссия 2016-ку шинал февралланул цанния шихунмай 4 процентрал, апрелланул 1-нния шихунмай т1урча 4 процентрал, лахь бувссар паччах1лугьрал булайсса пенсия.

Мунихтуну х1укму бувссар 2016-ку шинал лирч1сса ч1умуву 2017-ку шинал ц1усса индексация дуваннин дулун 2015-ку шинал ва 2016-ку шинал феврал лания шихуннай хьусса индексациялул дулун аьркин мур. Миннул кьаралгу хьанай дур 5000 кьуруш, га к1илчинмур индексация кьадурния махь дулун аьркинсса.

Компенсациялул

дуллалимур цакуну дуллун хьинни, мукун пенсионер турангу кьулайссар.

Цал арх1ал выплата лун дулаймур дагьлай дур 43 миллион инсантуран, цалгу страховой пенсия ласласисса ва паччах1лугьрал пенсия ласласисса пенсиоертуран.

-2016-ку шинал февраланий индексация дурна кьазу зисса пенсиоертуран. Дувант1иссарив цал арх1алсса выплата зузисса пенсиоертуран?

- Да х х у - л а с у л у л кьиматру лахь хьувкун сайки циняв пенсионертурал ах1вал к1юла бувккуссар.

Ва укунсса тагьаргу х1савравун лавсун АьФ-лул Х1укуматрал кьамул бувссар х1укму цал арх1алсса выплата дуван циняв пенсионертуран, миннавух зузисса пенсионертурангу.

-Цал арх1алсса выплата дулаврил х1акьиравусса х1укму ци журалийри биттур бувант1иссар?

-Правалул чулуха х1сав бувссса ч1умал цал арх1алсса выплата ва Аьрасатнал Федерациялул ялун ласласисса буржри, Аьрасатнал Федерация лийсса агьалийнал ах1вал ххуйшаву мурадрайсса.

Мунихтуну АьФ-лул Конституциялул т1алавшин нарайн бувну аьркинссар законодательтурал рязийшин на дулун аьркинссар ванин хасну федерациялул закон кьамул дуван.

Кьамул дурсса федеральный законналуву ккаккан дурну дик1ан аьркинссар цал арх1алсса выплата дувансса шарт1ру; выплата даймий, выплаталул кьарал, низам ва шарт1ру му биттур дуван сса.

АьФ-лул Х1укумат райн тапшур бувну буссар мукунсса федерациялул закон х1адур дуван АьФ-лул



ПЕНСИОННЫЙ ФОНД
РОССИИ

Пачах1лугьрал Думалувун ласун.

-2017-ку шинал пенсиялул индексация дулаврил кьайда цукунсса дик1ант1иссар?

-Билятрайсса экономикалул тагьаргу х1савравун лавсун гьарца шинал пенсия индексировать булаврил кьайда 2016-ку шинала даххана хьусса.

Х1укму кьамул бувну буссар 2017-ку шинная тихунмай пенсия индексировать буваву дирк1сса низамрайн дудин, хьхьич1ра хьанай дирк1сса инфляциягу х1сав дурну пенсия лахь булавриву.

Аьрасатнал Федерациялул 2017-2019-ку шиннарадайсса Пенсионный фондрал бюджетраву ккаккан бувну буссар пенсия лахь баву дулланттинин ишла дуллайсса пенсионный законодательст валийн бувну.

Страховой пенсия гьаз буллантайссар ларгсса шинал потребительский кьиматру лахь шаврил индекс х1савравун лавсун.

Пачах1лугьрал пенсиялул щаллу буллалаврия пенсия индексировать буллантайссар, миннуцал социальный пенсиягу, апрелланул 1-нния тихунмай пенсионер- яхьун яла чанну аьркинмур ларгсса шинал ххира шаврил индекс х1саравун лавсун.

-Цал арх1ал дурсса выплата дагьайссарив 2017-ку шинал индексировать буллалисса пенсиялул базалувун?

-Билятрай бюджетрал зах1матшивугу х1савравун лавсун х1укму кьамул бувну бур 2016-ку шиналсса индексация личийну, цурдалусса ц1усса выплатагу х1сав дуллан, цувгу пенсионный обеспечениялул кьаралланувун кьадагьайсса.

Пикри бур, федерациялул закон кьамул дуркун му компенсациялул выплата Аьрасатнал Пенсионный фондрал булансса 2017-ку шинал январьданий пенсиярдащал.

Терроризмалия буруччин аьркиншиврия



(Дайдихьбу 2-мур лаж.)

Терроризмалуясса нигьач1аврия, ми чья-чьяни жула республикалийгу хьанахьав рия Х1аммак1уев Рамазаннул ва Х1усайханов Нарима нул к1анин бувтун бувч1ин бувна дуклаки оьрч1ан. Дюь дирхьуна цукунч1ав щил бунугу кьабивтсса пакетирайн ка лаян кьабучишиву, цана кьак1улсса инсан школалий ягу шяраву ххал хьурча, аьжайвни куна ч1аларча, чара бакьа цала классрал каялувчинахь, нитти-бут тахь бусан багьлагишиву.

цайн полициянал зузалт райн баян буван аьркин шиву. Буллауна оьрч1ахьхьун вайннал цала телефоннал номердугу. Ххуйсса гьарта-гьарзасса ихтилатру бувна терроризма ци дуссарив мунил цукунсса зарулла буллай буссарив щаллусса дунияллуллул х1укума тиртган. Бувцуна мисаллугу, Шиккува к1иц1 бувуна мукунма школа кьуртал бувну махь, шагьрулийн дуклан лагайхтугу, хьиннува бурувччуну бик1ан багьлагишиву.

XI. Х1усайнов

Хайр ласун буюхьяннава

Жула буттал буттахьятура нанисса аьдат дур хьу дугьаву, инсаннал цала дукаму нилсса, ялапаршинна ралсса баву. Цала-цала аьрци дусса ч1умалва гьарца кьасса кувссал аьршарал парча бугьлай бивк1ун бур, ганиха кьуллгь буллай, гьайт1ий, вал гьагьлай, кьама биял кьахьанай гьивулий лаглай бик1айсса бивк1ун бур хьуниха х1урмат байссия совет х1укуматрал ч1умалгу.

Утти т1урча хьу дугьлай цуцлав акьар, аькинмур машин ласлай бур.

Мкун бунугу Хьювхьял ялтту кьур бугьлай бур Исрапил ва Аьлил. Вайннал хьинну ххуйну гьай куну, ххьялаккигу дурккуну бувгьуна кьур. Т1аабнну

бия хьахьи лаглагисса кьалмул сумах буруглан, тайннул щат1ал ч1уних вич1илий щаяк1ан

Гьашину Исрапиллун цакуну хьу ттих1аврил масъала ххи хьуна, цала бакьин бувну зузи бувссса комбайн Хьюйнал бувцун бия.. Исрапил ч1ахху-ч1арахнан ххулу буцан, кип бах1ин кумаг буллай, халкь рязи буллай ия. Кьурув хьа биллай шурцу т1ий, жува та ттих1авияв ссах ттих1авияв т1ий бия.

Бажар бусса чу банмур бакь кьалич1айсса, Исрапилгу коимбайн була учин Ххажалив, Лавашав гьанна «Дургьусса хьунил бак1лахьру зия хьун кьаритайссар», - т1ий ия.

Ка бакьиннав виц1у, Исрапил, ч1аххулгу рязий бувну вила мургу чулин дуккан дурну, хайр ласун итаннав ина.

P. Мах1аммадов.

Редакциялул адрес
368390, Республика Дагестан
Ккуллал район, ш.Ваччи

Издательнал адрес:
Республика Дагестан
Ккуллал район, ш.Ваччи

Газета регистрировать
бувссар РФ-лул МТПР-лул
Южное межрегиональное
управлениялул.
Регистрациялул номер
ПИ № 10-4202

Хьунама
редактор
А.И. Кьянчиев

Газета бавт1уссар «Чаннац1уку»
газетрал редакциялул компьютердай,
бившуссар ГАУРД «Издательский дом
«ДАГЕСТАН». Типографиялул адрес:
367018. Мах1ачкьала, пр.
Насрутдинова 61,

Буккайссар шожмардий
цал,
Индекс: 51317
тираж 650 экз. Газета
итабакьин кьулбас дайсса ч1ун
17. 00,
кьулбас дурсса ч1ун 16. 00